

17  
257

# ARREST DE LA COUR DE PARLEMENT,

SVR L'ADVIS QUE MONSEIGNEVR  
le Prince de CONTY a donné de l'entrée de  
l'Archiduc Leopold en France.

*Du 22. Mars 1649.*



A PARIS,  
Par les Imprimeurs & Libraires ordinaires  
du Roy.

---

M. DC. XLIX.  
*Avec Privilege de sa Majesté.*




THE  
DE LA COU  
DE LA COU



THE  
DE LA COU  
DE LA COU





EXTRAICT  
DES REGISTRES  
DE PARLEMENT.

**C**E IOVR, la Cour toutes les Chambres assemblées, le Sieur Coadjuteur à l'Archeuesché de Paris, a dit, Que Monsieur le Prince de Conty, qui est indisposé, l'auoit chargé de dire à la Cour, Que hier il receut nouuelle de l'Archiduc, qui luy mande, qu'estant entré en France il desire de leuer le soubçon que l'on pourroit prendre de sa marche, & faire cōnoistre à tout le Royaume, qu'il y vient chercher la Paix, & non pas faire la guerre, Pour cét effet, offre d'arrester ses armes, pourueu que la Reyne donne des Deputez pour terminer tous les differends des Couronnes, Que ledit Sieur Prince de Conty n'auoit pas iugé à propos de laisser passer cette occasion si glorieuse à la France, si importante & si fauorable à la Chrestienté; Auoit pour ce sujet enuoyé aux Deputez de sa part, ordre d'insister sur cette Proposition, Supplioit la Compagnie d'en considerer l'importance, & de donner le mesme ordre à ses Deputez, Protestant de ne rien tant desirer au monde, & d'y sacrifier tous les interests particuliers; Et si l'Archiduc se vouloit preualoir de l'estat auquel se trouue presentement la France, declare ledit Sieur Prince de Conty,



4

qu'il est prest de rendre au Roy & au Public, tous les  
tesmoignages d'affection, de service & d'obeissance  
que doit vne personne de sa naissance. Et sur ce ouï  
le Procureur General, La matiere mise en deliberation;  
LADITE COUR a arresté, qu'il en sera fait registre,  
autant duquel sera enuoyé aux Deputez de ladite Cour  
estans à Saint Germain, pour le faire sçauoir au Roy  
& à la Reyne, pour en disposer selon sa volonté.  
FAICT en Parlement le vingt-deuxième Mars mil six  
cens quarente-neuf. Signé, DV TILLET.

*Collationné à l'original par moy Conseiller Secre-  
taire du Roy & de ses Finances.*